

### Parliament-Proceedings

संसद दे बरसांती आहले इजलास दरान अज्ज बरोधी धड़ें आसेआ कीते गेदे हंगामे दे चलदे दौनें सदनें दी कार्रवाई च विघ्न पेआ। लोकसभा दी बैठक लग्गदे गै बरोधी सदस्यें डंड-रौली पानी शुरु करी दित्ती जेह्दे पर स्पीकर ओम बिरला होरें उ'नेंगी समझाने दी कोशत कीती पर बरोधी सदस्यें हंगामा जारी रखेआ जेह्दे चलदे लोकसभा दी कार्रवाई गी दपैही 12 बजे तोहड़ी लेई स्थगित करना पेई गेआ। मगरा जिसलै लोकसभा दी बैठक दपैही 12 बजे परतियै लग्गी तां बी बरोधी सदस्य बक्ख-बक्ख मामलें गी लेइयै सदन दे बिच्च-बिच्च आई गे जेह्दे चलदे स्पीकर होरें लोकसभा दी कार्रवाई गी दपैही 1 बजे तोहड़ी स्थगित करी दित्ता ऐ। दुई बक्खी राज्यसभा च उपसभापति हरिवंश सिंह होरें सदस्यें गी आखेआ जे ओहू सब्बै नोटिस डिजिटल सांसद पोर्टल दे राहें जमा करोआन। सदन च 26 नोटिसें गी नामंजूर करी दित्ता जेह्दे पर बरोधी धड़ें हंगामा शुरु करी दित्ता ते सदन दी कार्रवाई गी पैहले दपैही 12 बजे तोहड़ी ते फही दपैही 2 बजे तोहड़ी स्थगित करी दित्ता गेआ।

<><><><><><>

### Buddha Amarnath yatra

लेफ्टिनेंट गवर्नर मनोज सिन्हा होरें अज्ज जम्मू दे भगवती नगर आधार शिविर थमां सख्त सुरक्षा बंदोबस्तें हेठ श्री बुद्धा अमरनाथ जी दे श्रद्धालुएं दे पैहले जत्थे गी खाना करोआया। 13एं दिनें तोहड़ी चलने आहली इस जात्तरा दे पैहले जत्थे च अज्ज 1 ज्हार शा मते श्रद्धालु पुंछ जिले दी लोरन घाटी लेई खाना होए। श्री बुद्धा अमरनाथ जी दी जात्तराए औंदी 9 अगस्त गी रक्खड़.पुन्नेआ आहले दिन संपन्न होग। इस बश्चे श्री बुद्धा अमरनाथ जी दी जात्तरा पर बड़ी बद्ध गिनतरी च श्रद्धालुएं दे औने दी मेद ऐ ते एह्दे महेनज़र प्रशासन आसेआ सब्बै लोड़चदे प्रबंध कीते गेदे न। एह्दे शा पैहले एलजी होरें जात्तरा दे उद्घाटनी कार्यक्रम च हिस्सा लैता ते श्रद्धालुएं दा सोआगत कीता।

<><><><><><>

### Amarnath-Yatra

तोआई इस बश्चे श्री अमरनाथ जी दी गुफा च बाबा बर्फानी दे दर्शन करने आहले श्रद्धालुएं दी गिनतरी 3 लक्ख 77 ज्हार दे आंकड़े गी पार करी गई ऐ। एलजी मनोज सिन्हा होरें अज्ज बड़लै मीडियाकर्मिं गी संबोधित करदे होई एहू जानकारी सांझी कीती। उश्चें इस उपलब्धि पर संदोख बुज्जदे होई प्रशासन ते सब्भनें सरबंधत धड़ें आसेआ कीते गेदे जतनें दी सराहना कीती। तोआई जम्मू दे भगवती नगर यात्री निवास थमां 1 ज्हार 635 अमरनाथ श्रद्धालुएं दा इक होर जत्था अज्ज सख्त सुरक्षा बंदोबस्तें हेठ कश्मीर घाटी लेई खाना होआ। लौहकी.बड़ु कुल 59 गड्डिं दे काफिले च खाना होए दे इस जत्थे च 1 ज्हार 303 मर्दए 286 महिलाएं 4 बच्चेए 32 साधु ते 10 साध्वियां शामिल न।

<><><><><><>

### ARTO-Reasi

श्री माता वैष्णो देवी, शिवखोड़ी ते श्री अमरनाथ जी दी पवित्तर गुफाएं च दर्शन करने आहले श्रद्धालुएं दी बदधी तदाद गी दिखदे होई ए.आर.टी.ओ रियासी नै उंदी जात्तरा गी सुविधाजनक बनाने लेई पुट्टी जा'रदी गैं गी होर तेज करी दित्ता ऐ। मुख-मुख थाहरें पर चानचक्क निरीक्षण कीता जा'रदा ऐ ते जात्तरा आहले रस्ते पर कई नाके बी लाए गेदे न तां जे जात्रुएं गी सुरक्षित ते उचित सेवां उपलब्ध करोआइयां जाई सकन। हाल च गै कीते गेदे निरीक्षणें दरान कई सवारी आहलि गड्डियें दे वैद्य आहले मीटर ते सरकार आसेआ तय किरायें वगैरा दी जांच कीती गई।

<><><><><><>

### Army Cmdr Chinari Corps

फौज दी उत्तरी कमान दे कमांडर लेफ्टिनेंट जनरल प्रतीक शर्मा होरें अज्ज चिनार कोर दा दौरा लाइयै फौज दिं कार्रवाईएं सरबंधी तैयारिं ते आपरेशन शिवा सने उत्तरी कश्मीर च जारी होरनें अभियानें दा जायजा लैता। इस दौरान फौजी कमांडर होरें बल दे जवानें ते अधिकारिं दी सराहना कीती ते आखेआ जे ओहू अगगे बी पूरी वचनबद्धता ते पेशेवर

ढंग्गै कन्नै अपनी जिम्मेदारिएं गी निभांदे रौहना। उ'नें आखेआ जे खित्ते च रमानदारी बनाई रक्खने लेई जवानें दा म्हेशां सतर्क रौहना अत्त लाज़मी ऐ।

<><><><><><>

### Drug control

दोआइएँ.औषधिएं दे नियंत्रण सरबंधी विभाग आसेआ रामबन दे बटोत इलाके च मेडिकल दकानें दा निरीक्षण कीता गेआ ते इस गल्लै गी जकीनी बनाया गेआ जे दवाइएँ आहिलयें सब्भने हट्टिएँ आसेआ नियमें दी पालमा कीते जाने दे कन्नो.कन्नो उत्थे सीसीटीवी कैमरे लग्गे दे होनए कम्प्यूटर राहें बिल कट्टे जाश्चदे होन ते दोआइएँ दे रक्ख.रखाऽ आहले दस्तावेजी रिकार्ड खरी चाल्ली बरकरार कीते गेदे होन। साढे जिला संवाददाता अजयदीप सिंह दी रिपोर्ट मूजबए कानून दी खलाफवर्जी करने आहली दशुं हट्टिएँ गी इस दरान सील कीता गेआ ते उंश्दे मालकें गी सख्त लैहजे च आखेआ गेआ जे ओहू कम्मकाज शुरु करने शा पैहले सार सारे नियमें-कायदे दी पालमा जकीनी बनान।

<><><><><><>

### Chess

जॉर्जिया दे बाटुमी च महिला शतरंज विश्व कप दे फाइनल च अज्ज भारत दी ग्रैंड मास्टर कोनेरू हम्पी ते अंतर्राष्ट्री मास्टर दिव्या देशमुख टाईब्रेकर च उतरडन। फाइनल च दौनें बश्कार पैहले दो मुकाबले ड्रॉ रेहू हे, जेहदे कारण जेतू दा फैसला टाईब्रेकर दे राहें कीता जा'रदा ऐ। टाईब्रेकर भारती समें मताबक दपैही इक बज्जियै 30एं मिटें थमां शुरु होंडन। टाईब्रेकर च 10-10 मिनटें दे द'उं रैपिड मैच होंडन। रैपिड च बी जेगर अंक बरोबर रौहदे न तां 5 मिटें दे द'उं मैच होर खेड्डे जाडन। एहदे परैन्त बी जेगर मुकाबला ड्रॉ रौहदा ऐ तां 3-3 मिनटें दे 2 ब्लिट्ज मैच खेड्डे जाडन।

<><><><><><>